



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM
Nr. 651, Datë 10.10.2019

“Për dhënien e disa rekomandimeve Entit Rregullator të Ujit mbi aplikimin për ndryshimin e nivelit tarifor për ndërmarrjen “Ujësjellës Kanalizime Berat- Kuçovë ” SHA

Komisioni i Konkurrencës me pjesëmarrjen e:

Znj. Juliana LATIFI	Kryetar
Z. Eduard YPI	Zv/Kryetar
Znj. Leida MATJA	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 10.10.2019, shqyrtoi çështjen me:

Objekt: Dhënien e disa rekomandimeve Entit Rregullator të Ujit (ERRU) mbi aplikimin për ndryshimin e nivelit tarifor për ndërmarrjen “Ujësjellës Kanalizime Berat- Kuçovë ” SHA.

Bazë ligjore: Neni 24, germa d) dhe f); neni 26; neni 69 dhe 70 të Ligjit Nr. 9121, datë 28.07.2003 “Për Mbrojtjen e Konkurrencës” (i ndryshuar).

Komisioni i Konkurrencës pas shqyrtimit të:

- Relacionit mbi aplikimin për ndryshimin e nivelit tarifor për Ujësjellës Kanalizime Berat- Kuçovë SH.A,

VËREN SE:

- 1- ERRU-ja nëpërmjet shkresës Nr. 342 Prot., datë 09.09.2019, informon Autoritetin e Konkurrencës se me vendimin e Komisionit Kombëtar Rregullator (KKRR) Nr. 56 Prot., datë 20.07.2019, ka filluar procedurën për shqyrtimin e aplikimit për ndryshim tarife të ndërmarrjes Ujësjellës Kanalizime Berat- Kuçovë SHA, e cila ka propozuar me anë të projekt-vendimit, të aplikojë vendosjen e nivelit të ri të tarifave të shërbimit për furnizimin me ujë të pijshëm, largimin e ujërave të ndotura si edhe tarifën fikse për mirëmbajtjen e rrjetit të ujësjellësit, në të gjithë zonën e shërbimit pas riorganizimit.
- 2- Nga shqyrtimi dhe vlerësimi i informacionit mbi aplikimin për ndryshimin e nivelit tarifor si dhe projekt-vendimit përkatës “Mbi miratimin e tarifave të shërbimit të

furnizimit me ujë dhe largimin e ujërave të ndotura për ndërmarrjen Ujësjiellës Kanalizime Berat- Kuçovë SHA”, rezultoi se:

- Aplikimi i metodologjisë për ndryshimin e tarifave ka filluar me analizën e kostove të operimit dhe mirëmbajtjes, të cilat duhet të jenë të justifikueshme, si dhe në analizën e performancës, e cila tregon rritje të tarifave në mënyrë graduale.
 - UK Berat- Kuçovë SHA duhet të aplikojë tarifën e miratuar nga ERRU sipas Vendimit Nr.13 datë 30.03.2017 “Për miratimin e tarifave për konsum publik të UK Berat- Kuçovë SHA dhe sipas Vendimit Nr.57 datë 29.12.2017, pra dy herë brenda vitit 2017. Sipas ndërmarrjes Ujësjiellës Kanalizime Berat- Kuçovë SHA, niveli i tarifave në fuqi është i diferencuar dhe për të mundësuar unifikimin e tyre ka aplikuar për ndryshimin e tyre.
- 3- *Për shërbimin e furnizimit me ujë të pijshëm*, aktualisht për konsumatorët familjar, ndërmarrja aplikon tarifën të diferencuar për zonën urbane të Berat- Kuçovës (48 lek/m³) dhe për zonën rurale (50 lek/m³), të cilat kanë qenë të miratuar me Vendimin Nr.13, datë 30.03.2017 “Për miratimin e tarifave për konsum publik të UK Berat- Kuçovë SHA dhe sipas Vendimit Nr.57 datë 29.12.2017 për UK Berat- Kuçovë SHA.
 - 4- Nëpërmjet aplikimit, ndërmarrja Ujësjiellës Kanalizime Berat-Kuçovë SHA, propozon rritje të tarifave për të mundësuar unifikimin e tyre, për konsumatorin familjar në të gjitha zonat si urbane dhe ato rurale në vlerën 51 lek/m³, duke pësuar një rritje që varion nga 1 lek/m³ deri në 3lek/m³ për konsumatorët në zonat rurale dhe urbane, për konsumatorët privat dhe publik rritet me 20 lekë/m³ në Berat, Kucovë dhe 0 lekë/m³ për konsumatorët privat në zonën rurale, për të gjithë zonën pas riorganizimit, megjithëse tarifën kanë vetëm gjashtë muaj që janë miratuar nga ERRU pas riorganizimit. Propozohet ndryshim i tarifës fikse duke pësuar një rritje me 50lek/muaj/lidhje për konsumatorin familjar me një rritje 50% të tarifës aktuale, tarifa fikse për konsumatorin publik dhe privat mbetet e pandryshueshme. Tarifa volumetrike për largimin e ujërave të ndotura, për të tre konsumatorët nuk është një tarifë e re pasi ajo është miratuar në vitin 2017, për këtë tarifë kërkohet rritje me 1 lekë/m³ për konsumator familjarë, 2 lekë/m³ për konsumator publik dhe konsumator privat. Në këtë aplikim nuk është kërkuar unifikimi i saj si pjesë e këtij projekt vendim të ERRU-së. Aplikimi nuk është unifikues për të gjithë zonën e shërbimit, sepse tarifa e Njësise Administrative Roshnik mbetet e pandryshuar.
 - 5- Nga analiza e kryer, bazuar në metodologjinë për vendosjen e tarifave, lidhur me treguesit e performancës, për secilën prej tyre janë vendosur objektiva të arritshme sipas ERRU-së për vitin 2019 dhe vitin 2020 duke synuar përmirësimin e performancës së shërbimeve të ofruara, duke reduktuar kostot e mirëmbajtjes dhe operimit, duke mundësuar uljen e humbjeve teknike dhe administrative si edhe synimin kryesor për rritjen e qëndrueshmërisë financiare, rritjen e mundësisë për shlyerjen e investimeve të deritanishme.
 - 6- Nga analiza ekonomiko-financiare, sipas ERRU-së, rezulton se ndërmarrja Ujësjiellës Kanalizime Berat- Kuçovë SHA pas riorganizimit arrin të mbulojë kostot e operim mirëmbajtjes pasi ajo parashikohet të jetë në masën 104 % gjatë 2019, por mbulimi i

kostove totale të operimit dhe mirëmbajtjes ishte 68% për vitin 2018 dhe parashikohet 96.8% për vitin 2019.

- 7- ERRU-ja gjykon se ndërmarrja Ujësjetllës Kanalizime Berat- Kuçovë SHA për vitin 2019 duhet të rritë kostot direkte të operimit dhe mirëmbajtjes totale me 9% për vitin 2019 krahasura me vitin 2018 dhe të rritë 28.8% kostot totale të operimit në vitin 2020, krahasuar kjo me vitin 2019, për të gjithë zonën e shërbimit.
- 8- ERRU gjykon se ndërmarrja Ujësjetllës Kanalizime Berat- Kuçovë SHA duhet të punojë për reduktimin e nivelit të humbjeve teknike dhe administrative, duke anagzhuar stafin për vlerësimin sa më të saktë të çdo komponenti që bilanci të jetë i monitoruar gjatë gjithë vitit, të mbajë evidenca mbi sasi të ujit që nuk maten, mbi sasi të autorizuara të pa faturuara, etj, si edhe të hartojë plan biznesin 5 vjeçar sipas riorganizimit në kuadër të VKM Nr.63, me qëllim argumentimin për nevojën e investimeve në lidhje me përmirësimin e shërbimit si edhe qëndrueshmërinë financiare.
- 9- Tarifat duhet të jenë të orientuara drejt kostos, duke shmangur fitimin e ndërmarrjes UK Berat-Kuçovë SHA e cila ka pozitë dominuese dhe rregullatori duhet të stimulojë uljen e këtyre kostove, arritjen e fitimeve të arsyeshme, si dhe vendosjen e tarifave në nivele minimale, duke siguruar që konsumatorët të paguajnë çmimin e duhur për produktin dhe shërbimin që u ofrohet.
- 10- Duke qenë se niveli i kostove totale për vitin 2019 mbetet thuhet në nivele relativisht të ulëta krahasuar me ato të vitit 2018 me një rritje prej 9%, subvencionet që do të përfitojë kjo ndërmarrje për mbulimin e kostove, si dhe të gjitha investimet për përmirësimin e rrjetit të ujësjetllës, duhet të jenë sa më transparente, të përshtatshme, efikase dhe të nxitin reduktimin e kostove nga niveli aktual si dhe përdorimin në mënyrë efektive të burimeve ujore.
- 11- Nga vlerësimi i Konkurrencës “Mbi miratimin e tarifave të shërbimit të furnizimit me ujë dhe largimin e ujërave të ndotura për ndërmarrjen Ujësjetllës Kanalizime Berat- Kuçovë SHA” rezulton se: Ndërmarrja Ujësjetllës Kanalizime Berat- Kuçovë SHA ka pozitë dominuese dhe si e tillë, ka detyrimin e orientimit të çmimeve drejt kostos. Në aplikimin për rritje të tarifës, UK Berat- Kuçovë SHA nuk ka realizuar ndarjen veç e veç dhe sipas zonave, të kostove të shërbimit të furnizimit me ujë të pijshëm nga shërbimi i largimit të ujërave të ndotura.
- 12- ERRU në analizën ekonomike financiare të saj ka marrë në konsideratë kostot totale së bashku për të dy shërbimet e ofruara, duke mos zbatuar Vendimin e Komisionit të Konkurrencës Nr. 492, datë 28.12.2017 “Për dhënien e disa rekomandimeve Entit Rregullator të Ujit dhe UKT në lidhje me ndryshimin e tarifave të shërbimit të furnizimit me ujë dhe largimin e përpunimit të ujërave të ndotura”, pika (I), gërma (e).
- 13- Konstatohet se vendimi për fillimin e procedurës për ndryshimin e tarifave është bërë transparent në faqen e ERRU-së, por nuk është marrë në konsideratë rekomandimi i

dhënë nga Komisioni i Konkurrencës me Vendimin Nr. 492, datë 28.12.2017 “Për dhënien e disa rekomandimeve Entit Rregullator të Ujit dhe UKT në lidhje me ndryshimin e tarifave të shërbimit të furnizimit me ujë dhe largimin e përpunimit e ujërave të ndotura”, pika (I), gërma (e).

PËR KËTO ARSYE:

Komisioni i Konkurrencës, bazuar në nenet: 24, germa d) e f); 69 dhe 70 të Ligjit Nr. 9121, datë 28.07.2003 “Për Mbrojtjen e Konkurrencës” (të ndryshuar), me propozim të Sekretariatit,

V E N D O S I:

- i. T’i rekomandojë Entit Rregullator të Ujit si vijon:
 1. Tarifat e unifikuar që do të miratohen nga ERRU për ndërmarrjen Ujësjiellës Kanalizime Berat- Kuçovë SHA, të jenë të orientuara drejt kostos së shërbimeve dhe të jenë të bazuara në parimin e mosdiskriminimit.
 2. ERRU të kërkoj nga Ujësjiellës Kanalizime Berat- Kuçovë SHA, ndarjen e kostove për të dyja shërbimet e ofruar duke njoftuar AK brenda 90 ditëve për realizimin e këtij rekomandimi.
 3. ERRU të kryej auditimin (verifikimin) vjetor të përputhshmërisë në sistemin e llogaritjes së kostos. Të bëj transparente përshkrimin e sistemit të llogaritjes së kostos.
- ii. Ngarkohet Sekretari i Përgjithshëm për njoftimin dhe ndjekjen e zbatimit të këtij vendimi.

Ky vendim hyn në fuqi menjëherë.

KOMISIONI I KONKURRENCËS